

明  
詩  
紀  
事

光緒癸未都門過夏旅情蕭索取明人詩閱之遂有紀事之  
輯至己亥閱十七寒暑錄詩幾四千家分爲十籤凡論明詩  
者莫不謂盛於宏正極於嘉隆衰於公安竟陵余謂莫盛明  
初若犁眉海叟子高翠屏朝宗一山吳四傑粵五子閩十子  
會稽二肅崇安二藍以及草閣南村子英子宜虛白子憲之  
流以視宏正嘉隆時孰多孰少也且明初詩家各抒心得雋  
旨名篇自在流出無前後七子相矜相軋之習溫柔敦厚詩  
教固如是也長安旅食劊劊爲艱先以甲籤三十卷質之同  
好至此集以紀事爲名無事可紀者亦廣爲甄錄冀以攬前  
哲之芳馥爲後人之貽餉云爾己亥秋杪黔靈山樵陳田

明詩紀事總目

甲籤三十卷

乙籤二十二卷

丙籤十二卷

丁籤十七卷

戊籤二十二卷

己籤二十卷

庚籤三十卷

辛籤三十四卷

壬籤十卷

刷出

癸籤十卷

刷出

明詩紀事甲籤目

卷一上

太祖

一首

成祖

五首

仁宗

一首

宣宗

三首

英宗

二首

憲宗

一首

孝宗

一首

世宗

一首

神宗

一首

莊烈帝

一首

卷一下

祀社稷異壇同壇樂章

二首

祫享太廟樂章

四首

釋奠先師孔子樂章

六首

宴饗九奏樂章

七首

祀先蠶樂章

二首

大禘樂章

二首

雲祀雲門曲 一首

特享九廟樂章 五首

王國祀仁祖樂章 八首

祭告天地樂章 三首 梁寅

朝會樂章 一首 顧祿

朝會樂章 二首 王景

卷二上

周定王櫺 四首

蜀獻王櫺 一首

衛獻王權 二首

漢庶人高煦 一首

周獻王有燉 三首

秦康王志堦 一首

楚憲王季垠 二首

潘安王詮錄 一首

秦簡王誠詠 四首

肅靖王真浹 四首

泯靖王彥汝 一首

潘憲王肩移 三首

德平榮順王肩樞 一首

趙康王厚煜 二首

蜀成王讓栩

二首

武岡保康王顯槐

一首

潘宣王恬焮

二首

鎮康恭裕王恬焯

三首

安慶端懿王恬燿

二首

遼庶人憲燿

一首

益莊王厚燿

一首

潘定王理堯

一首

靖安王新瓊

一首

穀城王常濫

一首

卷二下

朱安汎

一首 周藩

朱陸櫟

二首

朱華圉

一首 楚藩

朱承綵

一首 齊藩

朱觀燿

一首

朱頤嫿

十三首

朱憲燮

一首 遼藩

朱儼鏞

一首

朱拱樞

二首 齊藩

朱多燿

五首

朱多炴 八首

朱多炴 一首

朱多燠 一首

朱謀璋 四首

朱謀晉 三首

朱謀堯 二首

朱謀境 四首

朱謀垣 二首

朱謀堦 一首

朱統鉦 一首

朱統鉸 一首

朱統鑑 一首

朱容重 一首

朱屑梢 三首 潘藩

朱屑杌 一首

朱屑糖 一首

朱恬煥 一首

朱瑄圻 六首

朱瑄增 一首

朱瑄垸 一首

朱瑄堀 一首

朱效鏃 一首

朱碩燭

四首

唐藩

朱器封

二首

朱常佐

一首

益藩

朱慈慈

一首

衡藩

卷三

劉基

四首

汪廣洋

四首

陶安

十首

朱升

一首

孫炎

一首

鮑恂

五首

宋訥

十一首

張以甯

十首

卷四

宋濂

三首

答祿與權

一首

朱芾

三首

史靖可

一首

張唯

一首

方徵

一首



牛諒一首

朱夢炎一首

卷五

王禪二首

吳雲一首

詹同一首

吳沈一首

樂韶鳳一首

魏觀七首

錢用壬一首

危素二十五首

卷六

胡翰一首

趙燠一首

徐尊生二首

謝徽二首

朱右八首

陶凱一首

曾魯一首

朱廉一首

李汝 一首

張孟兼 一首

王彝 一首

張宣 三首

貝瓊 八首

杜寅 一首

呂復 一首

李叔正 一首

卷七

高啟 七首

北郭十子

楊基 四首

張羽 十一首

卷八

徐賁 三首

余堯臣 一首

王行 四首

宋克 一首

呂敏 二首

陳則 一首  
十子中尚有釋道衍見乙齋

唐肅

十六首

會稽二肅

謝肅

十四首

卷九

孫賁

十一首

南園五子

黃哲

五首

王佐

三首

李德

四首

趙介

一首

卷十

林鴻

十八首

閩十子

王恭

二十首

王偁

二十二首

高廷禮

十首

陳亮

二首

鄭定

二首

王竄

二首

唐泰

二首

周玄

三首

黃玄

二首

卷十一

劉崧 二十三首

許伯旅 九首

曹睿 二首

邱民 一首

韓守益 一首

吳琳 一首

趙俶 一首

卷十二

吳伯宗 一首

劉三吾 二首

汪叡 一首

朱善 一首

龔敷 二首

杜敷 三首

吳源 一首

張兌 一首

王嘉會 一首

全思誠 一首

周湏 一首

滕毅 一首

楊訓文 一首

李質 二首

韓宜可 一首

張縡 一首

黃肅 三首

劉紹 十八首

卷十三

袁凱 二十首

蘇伯衡 七首

童冀 二首

申屠衡 二首

張昌 一首

鮑頌 一首

王立中 四首

林公慶 一首

張率 一首

包尼授 一首

涂穎 三首

朱逢吉 一首

金綱 一首

涂幾 一首

鄒矩 一首

吳彤 二首

卷十四

徐一夔 二首

劉承直 二首

周子諒 一首

林弼 八首

張翥 二首

陳世昌 一首

孫作 二首

瞿莊 二首

趙撝謙 一首

張美和 一首

錢宰 三首

揭軌 六首

卷十五

朱同 十三首

鄭潛 五首

秦約 三首

桂彥良 二首

范準 二首

朱櫟 一首

方時舉 三首

陳觀 一首

劉晟 一首

賀守約 二首

龍玉泉 一首

文魯麟 一首

杜隰 一首

任原 一首

王善慶 一首

吳舜舉 一首

黃思永 一首

蔡景 一首

柯欽 一首

伍衡 一首

王子魯 一首

黃孟良 一首

余師孔 二首

徐松 一首

彭友信 一首

王璵 二首

徐裕 一首

徐禮 一首

陳山 一首

卷十六

藍仁 十六首

藍智 三十八首

王沂 四首

王佑 二首

錢子正 一首

錢子義 一首

陳約 一首

陳緝 一首

林公與 一首

林公存 一首

林公冶 一首

李毓 五首

董佐才 一首

王鈞 一首



張輿一首

張輅一首

鄭杓一首

鄭枋一首

繆仲琳一首

黎慎一首

卷十七

錫炳二十二首

甘瑾十三首

朱弘祖一首

李鐫一首

趙迪一首

劉秩三首

陳元達一首

何明遠一首

張存一首

諸葛伯衡一首

魏資政一首

李純道一首

李徵一首

錢復亨二首

李思齊 一首

卷十八

王蒙 五首

陳汝言 五首

王冕 十四首

張紳 十一首

莘野 一首

吳植 一首

芮麟 一首

袁養福 一首

卷十九

烏斯道 五首

顧祿 四首

浦源 五首

馬琬 一首

史謹 二首

薛穆 二首

虞堪 二首

楊彝 三首

邵誼 一首

朱應辰 一首

王履 一首

宋璉 三首

陳璧 一首

張展 一首

盧熊 三首

馬治 五首

陶琛 一首

董紀 四首

卷二十

張適 二十二首

謝恭 一首

潘仁 四首

邾經 五首

朱紉 三首

逯飛 八首

楊子善 三首

郭欖 一首

葉見泰 二首

戴奎 一首

鄭元益 一首

卷二十一

沐英 一首

郭奎 十五首

熊鼎 一首

夏煜 一首

吳去疾 一首

陶誼 一首

谷宏 一首

陳潛夫 一首

沈應 一首

蕭翀 一首

白範 一首

周渠 一首

練高 二首

史遷 三首

吳文泰 一首

程煜 一首

吳斌 四首

雷燧 一首

葉子奇

四首

卷二十二

胡奎

四十一首

王翰

八首

管時敏

二十一首

林溫

一首

貝翱

一首

張璧

一首

桂衡

一首

黃架

一首

羅昭

一首

曹惡

一首

陸閻

三首

陳南賓

一首

卷二十三

陶宗儀

十七首

黎貞

三首

蘭茂

二首

蘭廷瑞

二首

唐貞 一首

陳謨 六首

梁蘭 五首

唐桂芳 七首

姚瑱 一首

易恆 二首

韓奕 四首

王賓 一首

滑壽 二首

陶振 一首

林枝 一首

陸中 四首

卷二十四

李壘 五首

胡雲端 一首

蕭執 三首

周昉 二首

樓璉 一首

鄒奕 一首

丁晉 六首

陸禧 一首

高輝祖 一首

陳維楨 一首

范再 一首

金居敬 一首

胡安 一首

韓廉 一首

江敬弘 一首

金夢巖 一首

鄭昂 一首

游莊 一首

陳安 一首

王中 一首

顧協 二首

謝林 一首

卷二十五

袁華 二十四首

徐達左 三首

周南 四首

林大同 一首

殷奎 五首

呂旭 二首

朱昇 一首

周居 一首

陳燧 一首

蕭岐 一首

李唐 一首

何彥修 一首

陳謨 一首

夏畦 一首

張庸 一首

俞韶美 一首

王嘏 一首

周所立 一首

林伯璟 一首

卷二十六

張著 二十一首

陳伯康 八首

劉駟 一首

鄭沂 一首

李勝原 一首

王時保 一首



鄒說 一首

富禮 二首

卷二十七

劉璵 七首

郭鉦 二首

王澤 六首

王旬 一首

戈鎬 二首

俞貞木 六首

薛倫 一首

朱熙 一首

李伯震 一首

徐濟 三首

吳昊 一首

許敬軒 一首

程袞 一首

程彌壽 一首

王興 一首

陳雷 一首

鄭洪 一首

林旅 一首

卷二十八

李延興

二十七首

凌雲翰

九首

鄭真

三首

許繼

十首

郭濬

一首

劉剛

一首

錢岳

一首

劉煥

六首

袁宗彥

二首

卷二十九

王諫

一首

王敬中

一首

林谷顯

一首

馬德華

一首

黃雋

一首

張庭蘭

一首

歐陽貞

一首

任亨泰

一首

陳時舉一首

俞永一首

陳郊一首

卷三十

胡子祺一首

宋杞一首

季應祈一首

范宗暉一首

林敏四首

李伯葵二首

劉仔肩五首

許中麗一首

顧田一首

林原縉一首

邱海一首

陳川一首

程用晦一首

劉琮玉一首

章喆一首

徐順二首

葛貞 一首

舒壽童 一首

蕭規 一首

邢沂 一首

林右 二首

胡溫 一首

危德華 一首

黃褻 二首

周谷賓 一首

邵光祖 一首

游堅 一首

明詩紀事卷一

貴陽陳田輯

甲

太祖一首

太祖姓朱氏諱元璋字國瑞濠州鍾離人元至正十一年辛卯起兵丁未稱吳元年戊申建元洪武在位三十一年崩葬孝陵有文集五十卷詩五卷

黃瑜雙槐歲鈔洪武八年秋八月上覽川流之不息陋尹程秋水賦言不契道乃親更爲之賦成召禁林羣臣觀之且曰卿等亦各撰賦以進朱濂率同列研精覃思鋪敘成章詣東黃閣次第投獻上皆親覽焉復寘品評於其間已而賜坐勅大官進天廚奇珍內臣行觴觴已上顧濂曰卿何不盡飲濂出跪奏曰臣荷陛下聖慈賜以醕酎敢不如詔第臣年衰邁恐不勝柝杓志不攝氣或愆於禮度無以上承寵光爾上

曰卿姑試之濂卽席而飲將徹上復顧曰卿更宜  
一鴈濂再起固辭上曰一鴈豈解醉人乎卒飲之濂  
舉觴至口端又復瑟縮者三上笑曰男子何不慷慨  
爲對曰天威咫尺問不敢重有所瀆勉強一吸至盡  
上大悅濂顏面變赭頓覺精神迴漂若行浮雲中上  
復笑曰卿宜自述一詩朕亦爲卿賦醉歌二奉御捧  
黃綾案進上揮翰如飛須臾成楚辭一章曰西風颯  
颯兮金張特會儒臣今舉觴目蒼柳兮裊娜閑澄江  
兮水洋洋爲斯悅而再酌弄清波兮永光玉海盈而  
馨透泛瓊華兮銀漿朱生微飲兮早醉忽周旋兮步  
驟踰踰美秋景兮共樂但有益於彼兮何傷濂旣醉  
下筆欹傾字不成行列甫綴五韻上遽召濂至命編  
脩官朱右重書以遺濂遂諭濂曰卿藏之以示子孫  
非惟見朕寵愛卿亦可見一時君臣道合共樂太平  
之盛也濂五拜叩首以謝上更勅侍臣應制賦醉學  
士歌者四人考功監丞華克勤給事中朱善方徵彭  
通聞而續賦者五人秦府長史林溫太子正字桂彥  
良翰林編脩王珣張唯典籍孫贊彭與孫皆吾廣人  
也

黃佐翰林記太祖嘗出御製詩文以示詞臣太子正  
字桂彥良卽於上前大聲誦之琅然左右驚愕學士  
承旨詹同等私戒之上知之謂曰儒者事君正當誠意

毋事矯揉也

廖道南殿閣詞林記丙午年六月上禱雨鍾山獲應  
賦七言喜雨詩命待制黃哲等廣和已而諸將告捷  
多令翰林諸臣應制賦詩上親加品評洪武十年十  
二月上制十題命典籍吳伯宗賦之援筆立就詞語  
峻潔上嘉其才敏賜織金錦衣嘗幸清流關賦詩命  
扈從儒臣和之起居注劉季道有治定不教生縱逸  
功成猶遺厯問關之句上嘆賞曰可謂安不忘危賜  
以白金文綺又起居注蔣子杰應命卽牧賦咏立成  
上大悅特寵賜和章一日命羣儒撰蔡鶴文吳府伴  
讀王驥操觚立就學士宋濂爲之進呈上稱善及日  
將南至大祀於圜邱上復命羣臣賦七言律十二韻  
冠以三百言序驥與黃昶先成臨讀御榻前上聽罪  
加獎勵命進學禁林云  
解縉春雨軒集洪武二十有八年北平永清衛之龍  
門禾有異莖同穗之祥今上皇帝遣使來進羣臣上  
表賀太祖高皇帝親御翰墨爲詩一章以賜今上皇  
帝其詩首言創業之艱天命之不易除暴禁亂之師  
撫民致治之略中言天錫豐登之屢史書垂示之嚴  
明堂禋薦之重末示謙冲戒謹之意爲善不足之誠  
大矜下民之惠與民同樂之盛心滋於言表蓋不以  
嘉禾之祥爲可矜而以爲可懼而思以自勉聖不自

聖兢兢業業足以垂訓於千萬年今上皇帝服膺聖訓念手澤之存諷誦追維不能自已乃永樂三年用摹勒於石拓本裝治成軸分賜諸王及近臣於是臣

縉亦得與賜焉

楊慎藝林伐山吾蜀解元王孝忠鄉試賀平西蜀表中有云川四巴三收彈丸黑子之地傳一廖二成大統函夏之功第一廖二乃太祖御製平西蜀頌中謂傳友德之功第一廖永忠之功第二也人咸服其博洽

董穀碧里雜存宋太史濂乞歸時御製詩二首餞之云白下開尊話別離知君此後迹應稀濂續云臣身

穎作衡陽雁一度秋風一度歸上悅賜白金綰幣文綺曰與汝作百歲衣也自是歲一朝焉

田按堯山堂外紀洪武十年宋學士景濂乞骸骨歸華亭朱孟辨紀其事作詩送之城上春雲煖更飛念

卿此地迹應稀臣身頗作陷陽雁一度秋來一度歸據此則又為孟辨詩而非太祖與濂賡續也詩亦小

有異同

周亮工閩小紀林廷綱洪武初承太祖親擢吏科給事中寵遇日隆嘗侍遊江間殿太祖首唱詩二句曰

江間小殿與雲齊梁上新添燕子泥公承旨足成三聯曰雉尾曉開紅日近龍衣春渥彩雲低旌旗影裏



纔然息斧鉞門前駢嘶臂筆詩成同拜舞太平天子賜新題後賜名恒忠  
王世貞藝苑卮言高皇帝神武天授生目不知書既下集慶始厭馬上長篇短歌操筆輒韻有魏武樂府風制詞質古一洗駢偶之習  
王世貞弁山堂別集草木子謂上有佳句云鳥啼紅樹裏人在翠微中天下誦之又皇太子新月詩云昨夜嚴陵失釣鉤何人移上碧雲頭雖然未得圓圓相也有清光照九州野史附之謂為太祖及懿文不享國之證草木子乃元遺民國初所著書謂上者順帝也皇太子者愛猷識理達臘也蓋以其不獲有天下而在東宮頗擅權故記之耳高帝集無此二句  
朱孟震續玉筍詩談近有作道聽錄者指黃巢咏菊元梁王曉行之作以為高皇宋人譏高宗發鶴詩載葉氏草木子而以為武宗北狩替非異聞時非久遠尚謬妄若此況遠且僻哉  
田按明史藝文志太祖文集五十卷詩五卷四庫著錄二十卷自漢祖以馬上得天下大風一歌妙合音節明祖起自布衣與漢合符御製篇章炳為巨集野史所載最為繁雜茲擇其可信者著於編以贍一代之風尚焉

題老子廢廟

廟古鴉昏集遙瞻起敬心路幽人迹杳碑偃草叢深度關先  
紫氣去後永淪沈惟有庭前樹多年茂作林

成祖五首

成祖諱棣太祖四子初封燕王靖難兵入革除建文  
年號建元永樂在位二十二年崩葬長陵有集

翰林記永樂四年二月上視學服皮弁御宸翰賦長  
詩賜太子親王祭酒胡儼司業張智坐講文武三品  
以上及翰林儒臣皆賜坐以聽講畢賜茶  
何喬遠名山藏文皇御製條達宏遠如萬騎千乘馳  
驟植立於平沙大漠之中  
弁山堂別集永樂五年授交趾明經計潤祖等十一  
人爲諒江等府同知賜勅慰勉仍賦詩一章各送之  
沈德符野獲編永樂十一年五月午節車駕東苑觀  
擊毬射柳皇太孫擊射連發皆中上大嘉射畢進皇  
太孫嘉勞之四曰今日菲夷畢集朕有一言爾當思

對之曰萬方玉帛風雲會皇太孫卽叩頭對曰一統山河日月明上喜賜名馬錦綺羅紗及番國布因命儒臣賦詩賜羣臣宴

### 闕里孔子廟詩

巍巍元聖古今之師垂世立言生民是資天將木鐸以教是  
界謂欲無言示之者至惟天爲高惟道與參惟地爲厚惟德  
與合生民以來實曰未有出類拔萃難乎先後示則不遠曰  
用攸趨敦序有彝遵於聖模仰惟皇考聖道實崇禮樂治平  
身底厥功曰予祇述詎敢或懈聖緒丕承儀憲永賴巖巖泰  
山魯邦所瞻新廟奕奕飭祀有嚴鼓鐘鏜鏜璆璆戛擊八音  
相宣聖情怡懌作我士類世有才賢佐我大明於斯萬年

田按明代御製闕里孔子廟碑文及詩凡三見成祖此詩其開先也憲宗孝宗詩具後

滿刺加鎮國山詩

西山鉅海中國通輸天灌地億載同沐日浴月光景融雨崖  
露■草木濃金花寶鈿生青紅有國於茲民俗雍王好善義  
思朝宗願比內郡依華風出入導從張蓋重儀文謁襲禮虔  
恭大誓貞石表爾忠爾國西山永鎮封山君海伯翕扈從皇  
考陟降在彼穹後天監視久益隆爾衆子孫萬福崇

日本壽安鎮國山詩

日本有國鉅海東舟航密邇華夏通衣冠禮樂昭華風服御  
綺繡考鼓鐘食有鼎俎居有宮語言文字皆順從善俗殊異  
羯與戎萬年景運當時雍皇考在天靈感通監觀海宇罔不  
恭爾源道義能廸功遠島微寇敢鞠凶鼠竊蠅嘬潛其蹤爾

奉朕命搜捕窮如雷如電飛蒙衝絕港餘孽以火攻焦流水  
上橫復縱什什伍伍禽奸凶荷校屈肘衛以從獻俘來庭口  
喁喁彤庭左右誇精忠願咨太史酬勲庸有國鎮山宜錫封  
惟爾善與山增崇寵以銘詩貞石礱萬世照耀扶桑紅

淳泥長甯鎮國山詩

炎海之墟淳泥所處煦仁漸義有順無迂悽悽賢王惟化之  
慕道以象譯適來奔赴同其婦子兄弟陪臣稽顙闕下有言  
以陳謂君猶天遺其禮樂一視同仁匪厚偏薄願茲鮮德弗  
稱所云浪舶風檣實勞懇勤稽古遠臣順來怒赳以躬或難  
矧曰家室王心直誠金石其堅西南番長疇與王賢臨臨高  
山以鎮王國鏤文於石懋昭王德王德克昭王國攸甯於萬

斯年仰我大明

柯枝鎮國山詩

截彼高山作鎮海邦吐烟出雲爲下國洪麗時其雨陽肅其  
煩熇作彼豐穰祛彼妖氛庇於斯民靡灾靡沴室家胥慶優  
游卒歲山之嶄矣海之深矣勒此銘詩相爲終始

野獲編永樂三年滿剌加國遣使入京求封其山爲  
一國之鎮上嘉之命封其國之西山爲鎮國山上御  
製碑文賜以銘詩四年日本國王源道義捕海寇有  
功賜白金千兩織金彩色幣二百綺繡衣六十件銀  
茶壺三銀盆四及綺繡紗帳衾褥枕席諸物海船二  
隻封其國山曰壽安鎮國之山上親製碑文賜以銘  
詩六年兩銀三千兩錢鈔錦繡紗羅衾褥帳幔器皿  
一金百兩銀三千兩錢鈔錦繡紗羅衾褥帳幔器皿  
及王母王叔有差先退旺父言蒙恩賜爲國之境土  
皆屬職方而國有後山封爲一國鎮至是其子又請  
上命封長甯鎮國之山御製碑文及銘詩先是淳泥  
國王麻那惹加耶乃率其妃弟妹男女陪臣來朝上

遣中官宴勞所過諸郡設宴比至上親享之宴其如  
於三公府未幾卒于會同館上祭以禮葬安德門外  
賜諡曰恭順命其子遐旺襲封因有是請又遣官行  
人送歸其國十四年封柯枝國王可赤里為國王并  
封其國中為鎮國山上親製碑文系以詩蓋封  
外國山者凡四見皆出睿製詩文以炳耀夷裔且詞  
旨雋蔚斷非視草解楊諸公所辦因思唐文皇帝兵  
力僅伸於漠北而屈於遼水一海夷如文皇帝威德  
直被東南古所未賓之國屢最宏文昭回雲漢其盛  
恐萬禩所未有也

仁宗一首

仁宗諱高熾成祖長子建元洪熙在位一年崩葬獻  
陵有御製文集二十卷詩集二卷

楊士奇三朝聖諭錄永樂七年贊善王汝玉每日於  
文華後殿道說賦詩之法一日殿下顧臣士奇曰古  
人為詩者其高下優劣如何對曰詩所以言志明良  
喜起之歌南薰之詩是唐虞之君之志最為尚矣後  
來如漢高祖大風歌唐太宗雪恥酬百王除兇報千古  
之作則所尚者霸力皆非王道漢武帝秋風辭志氣

已衰如隋煬帝陳後主所為則萬世之鑑戒也如殿  
下於明道玩經之餘欲娛意於文事則兩漢詔令亦  
可觀非獨文詞高簡近古其間亦有可裨益治道如  
詩人無益之詩不足為也殿曰太祖高皇帝有詩  
集甚多何為詩不足為對曰帝王之學所重者不在  
作詩太多太祖皇帝聖學之大者在尚書注諸書作詩特  
其餘事於今殿曰下世之儒當致力於重且大者其餘事  
不可姑緩殿下又曰世之儒者亦作詩否對曰儒者鮮  
不作詩然儒之品有高下高者道德之儒若記誦詞  
章前輩君子謂之俗儒人主尤當致辨於此記誦詞  
楊士奇東里文集仁廟好文重士樂善有誠時節宴  
羣臣問賜詩獎諭悉識以東宮圖書  
尹直譽齋瑣綴錄仁廟在東宮時嘗觀二內侍象戲  
因命會子榮先生應制詩云興盡計窮征戰罷松陰  
花影滿殘杯仁廟和云等閒識得軍情事一著功成  
見太平君臣之器量見矣  
雙槐歲鈔仁廟潛心經學禮重宮寮文倣歐陽詩何  
選體  
名山藏仁宗有典有則模範雅訓不啻學士

冬至賜贊善徐好古



清朝盛文治輔德資儒耆念彼筋力倦趨朝諒非宜賦詩有佳致納誨多良規起予得深趣歡懷浩無涯新陽屆初復況此承平時酬勞有樽酒庶以勞期頤

朱彝尊靜志居詩話獻陵天稟純明雅志經術東朝監國命徐贊善善述纂尙書直旨進講詩成亦命善述改竄令旨呼其字而不名阮元石渠隨筆明仁宗楷書今晨覽卿爲余所改之詩甚是丰采清雋真有益於日新但今卿年邁恐輔子爲勞似卿材百無一二面諛順顏者比比有之卿無憚勞弼成子業惟望藥石之言日甚一日毋務犯鱗觸諱之慮予今欲學作表卿可一如詩題立例具詩題與表題問曰封進以口琢磨皇太子致書贊善好古先生

宣宗 三首

宣宗諱瞻基仁宗長子建元宣德在位十年崩葬景陵有御製文集四十四卷詩集六卷樂府一卷

殿閣詞林記宣宗喜爲詩初卽位起學士李時勉而  
任用之一日幸文淵閣賜諸學士飲呼時勉謂曰卿  
非朕安得飲此酒時勉頓首謝他日賜遊東苑上賜  
時勉酒酌以御歐時勉頓首辭曰臣可與陛下同飲  
不敢同器上悅命易以銀罇既醉上出御製詩伴廣  
之藝苑卮言宣宗天縱神敏長歌短章下筆卽就每南  
宮試輒自草程式文曰我不當會元及第耶  
弇山堂別集宜廟命陽武侯薛祿等率師築赤城等  
處賜之詩有出車命南仲城齊惟山甫句祿不曉南  
仲山甫以問少傅楊士奇具言之且曰上以古之賢  
將待爾也祿乃拊心感泣  
朱謀聖書史會要宣宗時三楊蹇夏諸賢輔政泰交  
之際常有御製詩歌必親灑宸翰賜之行雲流水飛  
動筆端眞天藻也  
朱謀聖畫史會要宣宗萬幾清暇留神詞翰山水人  
物花鳥草蟲隨意所在皆極精妙  
汪柯玉珊瑚網章皇帝聖能天縱一出自然若化工  
之於萬物因物賦形不待矯揉各遂生成敬觀九鷺  
蘆雁二圖柳絲鳥毳細過於髮一種生動之致又居  
然寫意家神逸品

招隱詩

天之生賢道蘊厥身幼學壯行致君澤民伊傅孔孟皆古君  
子孜孜行道未嘗忘世秦漢之衰以退爲賢絕類離羣豈非  
違天嗟哉若人於世奚補區區百年草木同腐予嗣祖宗統  
臨萬邦求賢圖治宵旰遑遑羣才偕來布列在位道行身尊  
百世之貴緬彼山林豈無遐遺往而不來悠悠我思漱石枕  
流遠引高蹈雖逸於身而悖於道卷阿之思梧桐鳳凰爾其  
幡然予將爾揚

減租詩

官租頗繁重在背蓋有因而此服田者本皆貧下民耕作既  
勤勞輸納亦苦辛遂令衣食微曷以贈其身殷念惻予懷故

迹安得循下詔減十三行之四方均先王視萬姓有若父子  
親茲惟重邦本豈曰矜吾仁

實錄宣德七年三月庚申勅諭行在部院近年百姓  
稅糧遠運艱難官田稅糧重艱難尤甚自宣德七年為  
始但係官田塘地稅糧不分古額近額悉依五年二  
月勅諭恩例減免中外該管官不許故違辛酉上退  
朝御左順門謂尚書胡濙曰朕昨以官田賦重百姓  
苦之詔蠲減十之三以蘇民力嘗聞外間有言朝廷每  
下詔蠲租稅而戶部皆不準甚者文移約有司有  
勿以詔書為詞之語若果然則是廢格詔言壅遏恩  
澤不使下流其咎若何今減租之令務在必行書曰  
民為邦本本固邦甯有子曰百姓不足君孰與足卿  
等皆士人豈不知此朕昨有詩述此意卿當體念勿  
忘也

詠撒扇

湘浦烟霞交翠剡溪花雨生香掃卻人間炎暑招回天上清涼

梅純損齋備忘錄宣廟詩多六言如過史館云蕩蕩  
堯光四表巍巍舜德重華祖考萬年垂統乾坤六合  
爲家上林春色云山際雲開曉色林間鳥弄春音物  
意皆含春意天心允合吾心二詩今人家往往有石  
刻摹本蓋石不在禁中故人多得之臣又嘗於故家  
獲觀咏撒扇一首與前二詩皆一視同仁氣象而此  
一章尤有克治之意大抵皆以天地萬物爲一體真  
帝王之言也

英宗 二首

毛奇齡西河詩話舊宮中用撒扇合竹骨二十餘黏  
以藍紗撒大片箔金而以木柄之可收可放自司禮  
掌印至管事牌子皆得於夏月取用明宣廟御製湘  
浦烟霞交翠六字詩卽賦此物

英宗諱祁鎮宣宗長子建元正統十四年北狩弟郕  
王祁鈺奉皇太后令卽皇帝位改元景泰尊帝爲太  
上皇帝景泰元年帝還自北居南宮七年奪門復辟  
改元天順八年崩葬裕陵有御製詩文一卷

雙槐歲鈔北京自元建大都已有所謂八景不知何  
人品題至我朝太宗文皇帝因潛淵定天邑當時翰  
林諸儒臣胡廣輩作八景詩傳播海內天順辛巳端  
午節英宗睿皇帝賜文武侍臣以扇有御製七言古  
詩十首凡一千一百二十言即前所謂八景曰瓊島春  
雲太液晴波菊門煙樹西山霽雪居庸疊翠玉泉垂  
虹蘆溝曉月金臺夕照而益以二景則東郊時雨南  
園秋風也明年壬午亦以端午賜扇扇面御製清暑  
解愠二歌大概言為臣者仰輔上德俯恤民窮助隆  
代天之績云爾蓋國朝賜常朝官扇竹骨銅釘鉸書  
經傳格言以示訓飭越一二日乃召大僚於內殿賜  
象骨銀釘鉸扇然但畫以物象其有御製詩惟此二  
年為然  
田按裕陵御製詩文一册不見傳本予檢廖道南楚  
紀有賜襄憲王瞻墀御製襄陽四景歌云迺情細脗  
槎頭鰓洽歡滿泛宜城酒又云無窮風景觀山亭亭  
前數點峰巒密青新葉滿林驚綠暗驕陽入戶延朱明  
又云賢王此日多清賞臺榭虛明隔塵鞅階瑤瑤玉細  
水晶簾冰簟淨涵雲毋帳又云滿貯寒瓜薦蒼玉細  
分雪藕飛銀絲又云飛螢草際流疏景華月騰輝星  
耿耿廣庭清露滴高槐越些生涼湘簟冷又云鹿門  
山下行吟客冒冷尋香日幾回詞旨韶令可錄入摘

句圖也

峴山歌賜襄王

於皇祖宗混八方兮裂土而封命同姓兮維予叔父王於襄  
兮襄多山川甲諸邦兮有巍者峴禹所荒兮垂千萬年歸我  
祖宗不可以爽兮惟澤日茂惟德日章燧有光兮保茲峴山  
樂無央兮子孫孫子永無疆兮

漢江歌賜襄王

漢江滔滔出岷冢兮偉茲巨浸壯南邦兮萬有千里流無窮  
兮逶逶迤迤志必東兮於戲漢水殆與天地同始終兮

廖道南楚紀天順四年英宗皇帝御製峴山漢水賦  
賜襄憲王以其有奉迎六飛恢復九宸諸疏故嘉賞  
焉粵稽諸古大舜卿雲之歌文王鳴鳳之詩太和氣  
氤溢于帝藻逮乎漢祖大風之詞竊心猶在唐宗興

慶之詠王迹猶微惟吾皇祖親撰鍾山之賦及閩江  
詩英廟載製峴山之賦及漢水諸詠直可追軼吳休  
上姬姬美豈漢唐諸君所可企及哉

### 憲宗一首

憲宗諱見濟初名見深英宗長子建元成化在位二  
十三年崩葬茂陵有詩集四卷

名山藏憲宗時御翰墨作為詩賦以賜大臣諸司章  
奏手自披閱字畫差錯亦蒙清問臣下莫敢或欺  
珊瑚網憲廟御筆皆神像及金瓶金盤牡丹蘭菊梅  
竹之類今觀山水小景瀟灑出塵宛然勝國氣韻蓋  
聖能天縱自各極其妙也

### 闕里孔子廟詩

天生孔子縱之爲聖生知安行仁義中正師道興起從游三  
千往聖是繼道統流傳六經既明以詔後世三綱五常昭然



不替道德高厚教化無窮人極斯立天地同功生民以來卓  
乎獨盛允集大成實天所命有天下者是尊是崇曰性聖道  
曷敢勿宗願予眇躬承此大業惟聖之謨於心乃愜用之爲  
治以康兆民聖澤流被萬世聿新報典之隆尤在闕里廟宇  
巍巍于茲重美文諸貞石以光於前木鐸遺響於千萬年

田按成化四年六月闕里重修孔廟成茂陵御製碑  
文並系以詩八月御製碑亭成衍聖公孔弘緒具表  
謝十二年祭酒周洪謨請加孔廟籩豆詔從之增爲  
十二遣學士商輅告文廟王獻告於闕里余檢吳寬  
匏菴家藏集有曲阜重修夫子廟碑詩云於赫皇明  
建國十紀文教誕敷及遠自邇明聖得師維道願提  
尊之崇之有樂有禮紛其羽籥錯其簠簋謂此器數  
罔愜仰企乃詔有司乃鳩役使乃伐堅石乃制文梓  
長廡重門崇簷厚趾剝落以完漫漶以珽革故爲新  
衆目改觀是成化中兩修闕里孔廟匏菴詩中述及  
羽籥簠簋當在十二年增加籩豆後矣

孝宗一首

孝宗諱祐楹憲宗長子建元弘治在位十八年崩葬

泰陵有詩集五卷

翰林記弘治初上注意講學遣太監戴義傳示聖意命學士李東陽等各撰詩十首用寓啟沃東陽擬十題各撰七言律詩一章曰敬天曰法祖曰勤政曰務學曰任賢曰納諫曰節用曰愛民曰恤刑曰講武上嘉納焉  
靜志居詩話泰陵聖學緝熙德修時敏非惟政事之勤實啟人文之化置永樂大典於便殿暇即省覽又命儒臣集歷代御製詩以爲規範其賜李東陽靜中吟一首論者謂同二帝典謨三王訓誥焉  
畫史會要孝宗萬幾之暇游筆自娛點刷精妍妙得形似

闕里孔子廟詩

聖人之生天豈偶然命之大君俾贊化權二帝三王君焉克

聖繼天立極道形於政大化既洽至治斯成巍巍蕩蕩渾乎  
難名周政不綱道隨時墜孔子聖人而不得位乃稽羣聖乃  
定六經萬世之師於焉足徵自漢而下數千餘歲褒典代加  
有隆勿替於皇吾祖居正體元六經是師卓爾化原列聖相  
承先後一揆逮及朕躬思弘前軌廟貌載崇祀事孔禋經言  
典訓彌謹彌敦俗化治成日升川至斯道之光允垂萬世

李東陽懷麓堂集弘治甲子春正月重建闕里孔子  
廟成上親製碑文祝辭遣臣東陽申祭告臣東陽奉  
命以閏四月丁卯陛辭癸未至於廟衍聖公臣聞韶  
率族人迂於郊遠近大小來會者數百計前三日時  
雨降及期雨霽禮成之後星月朗耀神人懽暢歌工  
舞伶奉器執事之臣下逮胥吏僕從皆忻然如雲  
之從風水之赴壑有不令而集者收紀成事用告來  
世

世宗一首

世宗諱厚熹興獻王子憲宗之孫武宗無子入繼大  
統建元嘉靖在位四十五年崩葬永陵有訓學詩一  
卷宸翰錄一卷詠和錄一卷咏春同德錄白鵲贊和  
集一卷

名山藏世宗中興藩服淹貫經史傑作奇思遠繼高  
帝

殿閣詞林記嘉靖八年正月元夕臣道南應制撰燈  
詞十五首以進上親製一章云黃道開蓬殿青陽溢  
泰穹賞春纔令節養志自慈宮珠佩軒車從霞觴祝  
頌同千秋還萬歲物阜與民豐九年七月掖一亭成  
上復命儒臣落成錫宴進詩十年演馬環碧殿御製  
歌詞賜同遊諸臣和之十三年臣自徽州賜環上親  
灑鍾粹宮詞命和之賜金綺有差  
弇山堂別集肅廟以禮部尚書席書病目賜詩問之  
期以弼亮以刑部尚書趙鑑致仕賜詩送之嘉其止  
足皆龍箋御墨天書煥爛真傳家之至寶耀世之盛  
事也

野獲編世宗初政每於萬幾之暇喜爲詩時命大學

士費宏楊一清更定或御製詩成令二輔臣屬和以  
進一時傳爲盛事而張璠等用事自愧不能詩遂僞  
章攻宏謂其以小技希恩上雖不詰責而所出聖製  
漸希矣上嘗命一清擬賦上元詩進呈有愛看冰輪  
清似鏡上以爲似中秋改云愛看金蓮明似月一清  
疏謝以爲曲盡情景不問而知爲元宵矣聖資超悟  
殊非臣下所及信乎非一清所及也惜爲璠輩所撓  
使天縱多能不遑窮神知化耳

### 欽天頌

予質也昧上荷簡在答貺無由心銘忝戴庚寅仲冬典禮肅  
雖惟日長至戒誓肅恭大報皇天庸秉微虔獻以馨齊薦以  
蒼瑱禮嚴禋燎樂備黃鍾頓首誠惶仰瞻帝容帝錫洪仁俯  
鑒微忱露垂上瑞福敷下民神功惟祖超今邁古遺我小孫  
受天之祐玄德惟考潛升穹昊延予小子荷天之保寶露降  
祥湛湛瀼瀼綴若珠玉津潤甘香注之瑤竽稽首而迓薦于

祖考滋我禾稼承以金觥色溢精瓊呈于慈闈增算延生浩  
浩蒼穹錫我年豐朕拜稽首祇謁愚衷蕩蕩昊慈元樞不息  
幹運四時惟帝之力曰雨曰暘亶賴穹蒼嘉貺眇昧家國平  
康感恩曷已敢爾忝侈夙夜勉修以拜帝祉

神宗一首

神宗諱翊鈞穆宗長子建元萬厯在位四十八年崩  
葬定陵有集一卷

野獲編今上以沖聖御宇張江陵相公進帝鑑圖說  
以勸講內列聖哲芳規任愚覆轍二項以寓勸戒自  
是益勤史學更命進講貞觀政要至十六年閣臣進  
太祖御札在內閣者凡七十餘通上命留內恭藏因  
索累朝實錄進覽閣臣對以實錄成時史臣俱會同  
焚稿於芭蕉園人間並無底稿惟皇祖世宗特建皇  
史窠以藏列聖實錄寶訓但冊樣稍廣宜減爲書冊  
庶便展閱容令中書官繕進陸續上呈上允之由是

金匱石室之藏俱登乙覽矣  
于慎行穀城山房集上初卽位好爲大書內使環立  
求書者當數十紙而外廷臣僚得受賜者惟內閣講  
臣而已字畫道勁鸞迴鳳舞時聖齡十餘歲矣丙子  
張公位及慎行補入講幄上顧相君曰新講官二人  
尚未賜與大字內使已濡墨俟上遂大書二幅賜位  
及慎行字畫比賜諸公者稍大莊勁勝前時御齡已  
十五矣  
續玉筍詩談司禮張維蓀人也少侍今上春宮爲予  
言上初學詩詠新月云天邊一輪月其形光皎潔可  
比聖人心乾坤多照徹帝王氣象宛然二十字中  
錢謙益列朝詩集上天藻飛翔留心翰墨每攜太令  
鴨頭丸帖虞世南臨樂論米芾文賦以自隨勸學詩  
一章御書賜太監孫隆刻石吳中者也內府藏顏魯  
公書孝經命江陵相裝潢題識珠囊絳几未嘗一日  
去左右喪亂之後朝士以百錢買得之魯公法書精  
楷儼如麻姑仙壇每章有吳道子畫精彩映發手若  
未觸天球琬琰零落人間矣

### 灤縣景命殿詩

翼翼京邑灤水滌之璇源遠濬載奠坤維尊靈長樂歡洽重

闡縣縣景命百祿咸宜睠茲湯沐啟瑞集禧周原膺膺寶殿  
攸基重門邃閣崇敞逶迤仁祠左拱靈宇右麗甍連棟接鳥  
革翬飛虹祥式闡慈念載怡爰及溥海耀景咸熙聖母之德  
綏此蒸黎百千萬禩永永無廢

靜志居詩話景命殿在灤縣永樂店萬歷三十六年  
勅建爲孝定皇太后祝釐俗所稱九蓮菩薩者是  
莊烈帝一首

帝諱由檢光宗第五子天啟七年以信王入踐大位  
建元崇禎在位十七年寇陷京師殉社稷葬思陵

沈壽世破夢圓談上經營天下十有七年恭儉以孝  
文英果類世廟白哲豐下瞻視威嚴聲若洪鍾讀書  
日盈寸手書逼似歐陽率更  
杜濬變雅堂集烈皇帝作松風二字大不盈尺端勁  
軒翥非一時文士筆力所及  
吳偉業綏寇紀略崇禎十二 years 上佩楊嗣昌以督師



輔臣叩嗣昌陛辭先期光祿寺設饗於平臺上親爲之起酌醴命左右賓以飲之者三樂作一小黃門奉黃封立於旁發之御製七言詩一章盟梅今暫作干城上將威嚴細柳營一掃寇氛從此靖還期致養遂生民嗣昌跪而誦之拜且泣

### 賜石砭土司秦良玉

蜀錦征袍手製成桃花馬上請長纓世間不少奇男子誰肯沙場萬里行

宋長白柳亭詩話秦良玉石砭女官也崇禎間帥師勤王召見御製詩四首旌之按良玉策楊嗣昌邵捷春必敗可謂洞晰機宜甲申諸將得毋人人巾幗者乎錦繡夫人緇旗娘子不能專美於前

光緒丁酉貴陽  
陳氏聽詩齋刊

明詩紀事卷一下

貴陽陳田輯

甲

翰林記吳元年七月乙亥先是命選道童俊秀者充  
樂舞生至是始集上御戟門召學士朱升領之入見  
設雜樂閱試上親擊石磬命升辨識五音升以宮音  
爲徵音上曰何乃以宮作徵耶因命樂生登歌一曲  
上復歎曰古者作樂以和民聲格神人而與天地同  
和近世儒者鮮知音律之學欲樂和顧不難耶其後  
命升等撰圖邱方邱樂章而朝享太廟諸樂章則詔  
翰林諸儒臣梁寅等分爲之永樂元年九月詔侍臣  
曰皇考功德隆盛祖宗樂章未有稱述爾等其議爲  
之於是學士王景等擬述以聞然竟未施行蓋缺典  
也  
靜志居詩話魏樂府不成於曹劉而成於繆襲晉樂  
府不成於潘左張陸而成於傅玄宋樂府不成於鮑  
謝而成於何承天北齊樂府不成於蕭慤而成於陸  
卽皆屬恨事明洪武樂章率出四學士之筆嘉靖樂  
章率出議禮諸貴人之詞假孝陵改命伯溫季迪永

陵改命樗欽君采則其辭定遠追矣斯考父之盛不

若按明初郊社廟樂章黃才伯謂命學士朱升等撰進余檢

田邱方邱樂章有擬告天地樂章是時寅在禮局承詔

梁寅石門集有擬郊樂章故有此作則撰樂章當不止寅

分撰郊社宗廟樂章洪武四年六月吏部尚書詹同

當亦此王充有擬郊祀樂章顧謹中有擬朝會樂章

禮部尙書陶凱製宴享九奏樂章成上之其曲一曰

本太初二曰仰凱製大明三曰民初生四曰聖物享五曰

御六龍六曰泰階平七曰君德成八曰聖道成九曰

樂清宮先是上厭前代樂章率用諛詞以爲容悅甚

者鄙陋不稱乃命凱等更製其詞既成命協音律者

歌之謂侍臣曰所製樂章頗協音律有和平廣大之

意自今一切流俗喧譟淫褻之樂悉屏去之六年翰

林承旨詹同學士樂韶鳳等上所製釋奠先師孔子

樂章又歷代帝王廟成命錢宰撰樂章稱旨此皆可

一制指數者也明初詞人率多鉅手惜不得與於朝

廷制作之列汪朝宗鳳池吟稿有大祀詩末云載歌

周頌篇庶擬被樂章頗致企羨之意至嘉靖一朝制

作率出議禮貴人之手竹垞之言信矣今錄明一代

樂章播諸壇廟朝二者取其有合雅製其當時擬製

諸篇亦附見於後云

洪武元年祀社稷異壇同塏樂章

崇壇北向明禋方闡有潔犧牲禮因物顯大房載設中情以展景運既承神貺斯衍

右進俎凝和之曲

高爲山林深爲川澤崇邱廣衍亦有原隰惟神所司百靈效職清醴初陳肅然昭格

右大社初獻壽和之曲

實錄洪武元年二月戊申上親祭大社太稷大社設正位在東配以后土西向大稷設正位在西配以后稷東向大社大稷位各用玉兩邸幣黑色牲用犢一羊一豕一豮豆各十簋簋各二釂三后土后稷位並同但不用玉先期皇帝散齋四日致齋三日先祭一日設大次於社稷門外之西南向設御位於塏內當

兩壇之北居中向皇帝服皮弁服備法駕諸大  
遂省牲視鼎饌滌滌有司陳設如儀至日清晨諸執  
事官各實尊彝簋簠豆常卿奏中嚴皇帝服通天  
冠絳紗袍樂舞生及諸執事官陪祭官入就位太  
卿奏外辦皇帝入就位贊禮唱迎神協律郎舉麾樂  
奏廣和之曲贊禮唱請行禮太常卿奏有司謹具請  
行事皇帝再拜皇帝再拜皇帝再拜皇帝再拜皇帝  
奠玉帛皇帝詣盥洗位揖主盟悅出主詣大社神位  
前協律郎舉麾樂奏肅和之曲皇帝跪揖主上香奠  
玉帛出主再拜興次詣后土神位前次詣大社神位  
稷后稷神位前並如大社儀復位贊禮唱進俎協律  
郎舉麾樂奏凝和之曲皇帝詣大社神位前次詣大  
俎出主次詣后土神位前次詣大社神位前次詣大  
位前並如大社儀復位贊禮唱行初獻禮皇帝詣盥  
洗位揖主滌爵拭爵以授執爵官出主詣大社神位  
圭執爵酌醴齊以爵授執爵官出主詣大社神位前  
協律郎舉麾樂奏壽和之曲武功之舞皇帝跪揖主  
上香祭酒奠爵出主讀祝官取祝跪讀皇帝俯伏與  
再拜次詣后土神位前次詣大社神位前次詣大  
前並如大社儀復位亞獻酌盞齊樂奏熙和之曲文  
德之舞終獻酌汎齊樂奏熙和之曲文德之舞儀並

同初獻但不用祝獻畢太常奏飲福受胙皇帝詣飲  
福位再拜跪拚圭執事官以爵酌福酒跪進皇帝受  
爵祭酒飲福酒以爵置於坫奉胙官奉胙跪進皇帝  
受胙以授左右出圭俯伏興再拜與皇太子以下皆  
再拜大稷壇如之復位贊禮唱微豆協律郎舉樂  
奏雍和之曲掌祭官各徹豆贊禮唱送神協律郎舉  
麾樂奏安和之曲皇帝再拜皇太子以下皆再拜讀  
祝官取祝奉幣官取幣掌祭官取牲饌詣瘞所置於  
坎內皇帝詣望瘞位執事置土於坎實土至半太常  
卿奏禮畢駕還大次解嚴

### 洪武元年祫享太廟樂章

維我皇祖淑後貽謀盛德靈長與泗同流發於孫枝明禋載  
修嘉澗如海恩何以酬

### 右熙祖廟初獻壽和之曲

承先人之德化家爲國母曰予小子基命成績欲報其德昊  
天罔極愍愍三獻我心悅懌

右終獻熙和之曲

樂奏具肅神其燕嬉告成於祖亦右皇妣敬徹不遲以終祀  
禮祥光煥揚錫以嘉祉

右徹豆雍和之曲

顯令幽兮神運無迹鸞馭逍遙安其所適其靈在天其主在  
室子子孫孫孝思無斁

右送神安和之曲

實錄洪武元年四月丁未祫享大廟德祖皇妣考妣神位  
位居中南面懿祖皇考妣神位居西第二位東向仁祖皇考妣神位  
居東第二位西向先期皇帝散齋四日致齋三日  
祭一日皇帝服通天冠絳紗袍省牲視鼎饌滌滌有  
司陳設如儀至日清晨皇太子奉迎各廟神主合祭  
於德祖廟車駕至太常卿奏中嚴皇帝服袞冕  
太常卿奏外辦皇帝入就位贊禮唱迎神協律郎舉



洪武六年釋奠先師孔子樂章

大哉宣聖道德尊崇維持王化斯民是宗典祀有常精純益隆神其來格於昭聖容

右迎神咸和之曲

自生民來誰底其盛惟王神明

惟王後改曰維師

度越前聖黍帛具

成禮容斯稱黍稷非馨惟神之聽

右奠帛甯和之曲

大哉聖王實天生德作樂以崇時祀無斃清酤惟馨嘉牲孔碩薦羞神明庶幾昭格

右初獻安和之曲

百王宗師生民物軌瞻之洋洋神其甯止酌彼金罍惟清且旨登獻惟三於戲成禮

右亞終獻景和之曲

犧象在前豆籩在列以享以薦既芬既潔禮成樂備人和神  
悅祭則受福率遵無越

右徹饌咸和之曲

有嚴學宮四方來宗恪恭祀事威儀雍雍歆格惟馨神馭旋  
復明禋斯畢咸膺百福

右送神復奏咸和之曲

實錄洪武六年八月翰林承旨詹同等侍講學士樂韶  
鳳等上所製釋奠先師孔子樂章禮部尙書牛諒復  
以所定禮儀進其儀前祭一日大常司官奏某月遣  
官祭先師孔子齊一日次日清晨皇帝服皮弁服御  
奉天殿傳制遣官是日獻官承制畢往祀所省牲將  
祭樂舞生就位執事分獻陪祭官各就位引贊引獻  
官就位典儀唱迎神典樂舉麾奏咸和之曲獻官以  
下各四拜典儀唱奠帛行初獻禮典樂舉麾奏簡和

之曲獻官詣盟洗所搢笏盥手出笏典樂舉麾奏安  
和之曲文德之舞獻官詣酒尊所執事者以爵受酒  
獻官詣大成至聖文宣王神位前跪搢笏奠帛獻爵  
出笏執事者取祝跪讀訖獻官俯伏興平身次詣充  
國郕國沂國鄒國公神位前皆如上儀復位典樂唱  
行亞獻禮典樂舉麾奏景和之曲執事者以爵酌酒  
奠於神位前典樂舉麾奏景和之曲行終獻禮行分  
典樂舉麾奏景和之曲行終獻禮行分獻禮其終獻禮  
典儀舉麾飲福受胙獻官詣飲福位跪搢笏執事者以  
爵進獻官飲福受胙獻官詣飲福位跪搢笏執事者以  
爵進獻官飲福受胙獻官詣飲福位跪搢笏執事者以  
伏興平身復位再拜分獻官及陪祀官皆再拜典儀  
唱徹饌典儀唱送神典樂奏咸和之曲執事者各詣  
徹饌典儀唱送神典樂奏咸和之曲執事者各詣神位  
皆四拜典儀唱讀祝者捧祝掌祭官捧帛饌各詣下  
所獻官詣望瘞位禮畢制曰可

洪武十五年重定宴饗九奏樂章

田按實錄洪武十五年正月朔上御奉天殿受朝賀  
宴羣臣於謹身殿初上命儒臣重制值食九奏樂章  
至是大宴始奏用之一奏炎精開運之曲二奏皇風  
之曲三奏睿皇明之曲四奏天道傳之曲五奏振皇

綱之曲六奏金陵之曲七奏長楊之曲八奏芳醴之  
曲九奏駕六龍之曲考明制大宴凡四一大祀慶成  
大宴一萬壽聖節大宴一冬至大宴一正旦大宴皆  
用此樂章朱氏詩綜但題作慶成宴樂章非其實也  
永樂十八年重定宴饗樂章一奏上萬壽之曲二奏  
仰天恩之曲三奏感地德之曲四奏民樂生之曲五  
奏威皇恩之曲六奏慶豐年之曲七奏集禎應之曲  
八奏永皇圖之曲九奏樂太平之曲亦是四大宴通  
用至嘉靖間續定慶成宴樂章則專用於慶成宴矣

炎精開運篤生聖皇大明御極遠紹虞唐河清海宴物阜民  
康威加夷獠德被戎羌八珍有薦九鼎馨香鼓鐘鐻鐻宮徵  
洋洋怡神養壽理陰順陽保茲遐福地久天長

右一奏炎精開運之曲

皇風被八表熙熙聲教宣時和景象明紫宸開繡筵龍袞耀  
朝日金鑪裊祥煙濟濟公與侯被服麗且鮮列坐侍丹宸馨

明詩紀事卷一  
折在周旋羔豚升華俎玉饌充方圓初筵奏南風繼歌虞載  
篇瑤觴欣再舉拜俯禮無愆同樂及斯辰於皇千萬年

右二奏皇風之曲

赫赫上帝眷我皇明大命既集本固支榮厥本伊何育德眷  
宮厥支伊何藩邦以甯慶延百世澤被羣生及時爲樂天祿  
是膺千秋萬歲永觀厥成

右三奏眷皇明之曲

馬負圖兮天道傳龜載書兮人文宣義畫卦兮禹疇敘皇極  
建兮合自然綿綿歷數歸明主祥麟在郊威鳳舞九夷入貢  
康衢謠聖子神孫繼祖武垂拱無爲邁前古

右四奏天道傳之曲

周南詠麟趾卷阿歌鳳凰藹藹稱多士爲植振皇綱赫赫我  
大明德尊踰漢唐百揆修庶績公輔理陰陽我冠正襟佩都  
俞在高堂坐令八紘內熙熙民樂康氣和風雨時田疇見豐  
穰獻醴過三爵歡娛良未央

右五奏振皇綱之曲

長楊曳綠黃鳥和鳴蒟蒻呈鮮紫燕輕盈千花浥露日麗風  
清及時爲樂芳尊在庭管音嚶嚶絲韻泠泠玉振金聲各奏  
爾能皤皤國老載勸載懲明德惟馨垂之聖經唐風示戒永  
保嘉名無已太康哲人是聽

右七奏長楊之曲

夏王厭芳醴商湯遠色聲聖人示深戒千春垂令名惟皇登

九五玉食保尊榮日昃不遑餐布德延羣生天庖具豐膳鼎  
鼐事調烹豈但資肥甘亦足養遐齡達人悟茲理恆令五氣  
平隨時知有節昭哉天道行

右八奏芳醴之曲

明會典洪武二十六年定大宴儀是日尙寶司設御  
座於奉天殿錦衣衛設黃麾於殿外東西教坊司設九奏樂  
衛設護衛官二十四員於殿外立三舞雜隊於殿下光祿  
歌於殿內設大樂於殿外西膳亭於御座下之東珍  
羞醴醢亭於酒膳亭之東西設御筵於御座下之東  
設羣臣四品以上位於殿內之東西設羣臣酒尊食  
卓於殿外設五品以下位於殿外東西兩廊司盞尙食  
各供乃事引禮引羣臣殿外東西相向立儀禮司跪  
奏請升座駕興大樂作升座鳴鞭樂止鳴贊引文武  
官四品以上由東西門入殿中橫班北向立五品以  
下官列於殿外由東西門入殿中橫班北向立五品以  
下官進御筵大樂作捧案至御前樂止進花樂止光祿  
訖樂止光祿司官開爵注酒捧詣御前進第一爵酒



教坊司跪奏一奏炎精開通之曲贊內外官皆跪教  
坊司跪奏進酒飲畢贊眾內外官俯伏興樂作贊四  
拜平身樂止贊各就位序班隨進羣臣卓散花樂作  
散訖樂止序班即進羣臣蓋第二爵酒教坊司跪奏  
二奏皇風之曲樂作光祿司官進酒御前序班隨斟  
羣臣酒教坊司跪奏進酒候皇帝舉酒羣臣以次舉  
飲訖樂止光祿司官進湯鼓吹響節前導至殿外鼓  
吹止殿上樂作羣臣起立光祿司官進湯御前羣臣  
復位序班即供羣臣次舉湯樂止教坊司跪奏進湯  
候皇帝舉湯樂止教坊司跪奏進湯樂止武  
舞入教坊司跪奏平定天下之舞舞士三十二人皆  
左執干戈長三尺五寸上闊一尺六寸朱質紅  
畫雉羽中畫升龍雲氣右秉戚戚長二尺五寸硃紅  
漆柄金收戚斧分爲四行每行八人舞作發揚蹈厲  
坐作擊刺之狀皆冠黃金束髮冠紫綬青羅生色  
畫舞鶴花窄袖衫白生絹襯衫錦領紅羅銷金大袖  
窄袍紅羅銷金沿紅絹襖項紅結子紅絹束腰塗金束  
藍青羅銷金沿紅絹襖項紅結子紅絹束腰塗金束  
帶青絲大纒錦臂鞲絲雲頭卑靴舞師二人執旌以  
引之旌長七尺五寸硃紅漆柄金龍吞口懸五色羽  
九層每層用塗金寶蓋紅絲纒穿末垂絲結子皆冠  
黃金束髮冠紫綬青羅大袖衫白絹襯衫錦領紅羅

金束帶綠雲頭阜靴舞畢出第三爵酒教坊司跪奏  
三奏舞安四夷之舞樂作進酒如前儀樂止教坊司跪  
繫紅銷金頭繩紅羅銷金抹額中綴大袖衫紅兩旁  
綴紅銷金環明金耳環青羅生色  
領袖紅羅銷金裙青銷金裙生色  
金束帶烏皮鞋西戎四生色  
紵絲細褶襖子大紅羅生色雲肩綠頭明金沿藍青羅紅  
銷金汗袴紅銷金沿繫腰紅結赤泥南蠻四珠五色  
朝金天髻繫紅羅生色銀錠紅銷金赤泥南蠻四珠五色  
織金短襖子綠織金細紅短襖子緋錦額明金耳環紅  
手巾泥金項牌金珠纓絡緋小金鈴錦行纏泥金獅  
蠻帶綠銷金擁項紅結子赤皮靴北狄四金抹額單于  
冠貂鼠皮簷雙垂髻紅銷金頭繩紅羅銷金抹額單于  
色細褶襖子藍青生色雲肩紅結子紅羅銷金抹額單于  
腰合鉢卓皮靴四夷各爲一行舞作非跪朝金汗袴繫  
俯伏之狀舞師二人執幢以引之幢長七尺五寸殊  
紅漆柄金龍吞口懸五綵羅幢五層每層綴五色銷  
金吹帶末垂紅粉結子皆戴白捲簷檀帽塗金汗袴藍  
一散紅纓紫羅帽襪紅綠金緋襖子赤皮靴舞畢出  
青銷金沿塗金束帶綠纓項紅結子赤皮靴舞畢出

第四爵酒教坊司跪奏四奏天道傳之曲樂作進湯  
如前儀食畢教坊司跪奏車書會同之舞舞士三十  
二人左執箛箛長一尺五寸疎紅漆篴竹爲之上開  
三竅右乘翟翟長三尺五寸疎紅漆柄金龍吞口上  
綴雉羽五眉每眉用塗金寶蓋紅絲縵穿末用紅綠  
結子分爲四行每行人舞坐作進退舒徐揖讓升  
降之狀皆冠黑光描金方山冠青紛纓衣素紅羅大  
袖衫紅生絹襯衫錦領紅羅擁項紅結子塗金束帶  
白絹大口袴白布襪茶褐鞋舞師二人執翹以引之  
翹長七尺五寸疎紅漆柄金龍吞口懸白鷺羽九層  
用塗金寶蓋紅絲縵穿末垂紅絲結子冠服與舞士  
同惟大袖衫用青不用紅羅項紅結子舞畢出第五  
爵酒教坊司跪奏五奏振皇綱之曲進酒如前儀飲  
畢教坊司跪奏百戲承應舞畢出第六爵酒教坊司  
跪奏六奏金陵之曲進酒如前儀教坊司跪奏七奏  
八蠻獻寶進呈舞畢出第七爵酒教坊司跪奏採蓮  
長楊之曲進酒如前儀教坊司跪奏八奏芳醴之曲進  
畢出第八爵酒教坊司跪奏九奏鰲魚躍于淵承應  
湯如前儀食畢教坊司跪奏九奏鰲魚躍于淵承應  
九爵酒教坊司跪奏九奏鰲魚躍于淵承應  
飲訖光祿司官收御前爵序班隨收羣臣盞光祿司  
官進湯進大膳大樂作羣臣起立進訖復坐序班隨

供羣臣飯教坊司跪奏進膳食訖贊膳成樂止光祿司官收膳訖教坊司跪奏百花隊舞承應舞畢出鳴贊唱撤案序班撤羣臣卓訖光祿司官即撤御案贊宴成羣臣皆出席向北立序班即撤羣臣座殿外官皆詣丹墀北向立贊鞠躬樂作贊四拜興平身樂止羣臣分東西立儀禮司跪奏禮畢駕興大樂作鳴鞭百官以次出

### 嘉靖九年祀先蠶樂章

載舉清觴蠶祀孔明以格以享鼓瑟吹笙陰教用彰坤儀永貞神之聽之鑒此禋誠

#### 右亞獻順和之曲

神之格思桑土是宜三繅七就惟此繭絲獻禮有終神不我遺錫我純服藻繪皇儀

#### 右終獻雩和之曲

范守己肅皇外史初夏言清理皇莊事竣疏言宜將  
負郭官莊改爲親蠶廠種植桑柘以備蠶事戶部覆  
議不合而止嘉靖九年二月郊祀言奉命分獻南海  
因而有感遂疏請舉親蠶禮帝嘉納之勅戶部建壇  
尙書梁材上言宜建於皇城內或西內堪備蠶事  
帝曰周禮耕蠶分於南北郊其蠶於禁中唐人便安  
之制不可爲法於是禮部尙書李時等請行於北郊  
酌治蠶之禮定壇壝之制采桑之器擇掌壇之官  
翟車出入或從東華門或從元武門用謹厚內臣用  
肅宮禁帝從之命翟車出入由元武門其壇制殺先  
農什一建具服殿蠶室蘭館俱如古制仍於西內營  
織堂以終蠶事

明會典嘉靖九年年初建先蠶壇於北郊歲春擇日皇  
后躬祀先蠶行親蠶禮十年改築壇於內苑致祭行  
親蠶禮齋戒前期三日尙儀奏致齋三日內執事並  
司贊六尙等女官及應入壇者各齋三日三祭先一  
日蠶宮令陳樂女生位於壇南設皇后拜位於壇下  
北向次公主次內命婦次外命婦拜位俱異位重行  
北向設內贊位於壇南設司贊位於壇后拜位之東  
西設司賓位於壇外命婦班之北東西相向皇后至壇  
所入具服殿少憩司賓先引外命婦列於先蠶壇下  
東西相向以北爲上尙儀諸皇后前奏請皇后易禮

# 嘉靖十年大禱樂章

服出殿門將至壇內贊唱樂女生就位執事官各司其事導引女官導皇后至拜位司贊奏就位次公主司贊奏貞和之曲樂作樂止司贊奏四拜公主以下同神贊唱奠帛帛行初獻禮奏壽和之曲樂作執事官捧帛爵跪於神位前各奠訖樂暫止內贊唱讀祝司贊跪跪皇后跪公主以下同讀祝女官跪於神位前奏晚皇後跪公主以下同讀祝女官跪於神位前讀訖樂作司贊奏與皇后同讀祝女官跪於神位前唱行亞獻禮奏順和之曲樂作執事官捧爵跪奠於神位前訖樂止內贊唱之曲樂作執事官捧爵跪奠於神位前執事女官進立壇東西向唱賜福胙司贊奏之曲執事女官以福酒跪進於皇后右奏受胙酒皇受胙訖司贊奏與皇后興司贊奏二拜公主以下同內贊唱撤饌樂止內贊唱送神奏恆和之曲樂作司贊前撤饌訖樂止以下同樂止內贊唱讀祝官捧祝執事官捧帛饌各詣痊位樂作樂止司贊唱讀祝官捧祝執事具服殿更常衣行親蠶禮

於惟皇祖肇創丕基鍾祥有自曰本先之奄有萬方作之君  
師追報宜隆以申孝思瞻望稽首介我休禧

右迎神元和之曲

木有本兮水有源人本祖兮物本天思報德兮禮莫先仰希  
鑒兮敢弗虔

右初獻壽和之曲

田按嘉靖十年帝以禘義詢大學士張璁令與侍講  
學士夏言議言撰禘義一篇獻之大意謂自秦漢以  
來封建之制廢無世家譜牒不明莫知其祖所自出  
若必欲如虞夏商周之禘黃帝帝嚳則既無所考若  
必欲強求其人以事穿鑿如唐之以明為祖則又非  
孝子慈孫之所忍為謹推明古典采酌先儒精微之  
論宜為虛位以祀帝深然之會中允廖道南謂朱氏  
為顓頊裔請以太祖實錄為據禘顓頊遂召禮部以  
言道南二疏會官詳議大學士璁首言言虛位者求  
之虛則失之無言顓頊者求之遠則失之誣惟禘德

嘉靖十一年雩祀雲門曲

祖為當羣臣以璵言為是帝意主虛位令再議言復  
疏論禘德祖有四可疑德祖自開國以來享始祖之  
祭舊矣今又以為所自出之帝是不過強易置其名  
耳且禘以德祖祫以太祖則懿熙仁三祖既不得相  
併下其章諸臣乃請設虛位以禘皇初祖南向奉太  
祖配西向禮部上大禘儀注前期告廟致齋三日備  
香帛牲醴如時享儀至日行禮如大祀闔邸儀樂章  
迎神元和之曲徹饌太和之曲送神永和之曲終獻  
德和之曲徹饌太和之曲送神永和之曲

景龍精兮時見測鵠緯兮宵懸肆廣樂兮鏗鎬列皇舞兮隔  
蹕祈方社兮不莫薦圭璧兮孔虔需密雲兮六漠霈甘澍兮  
九元慰我農兮既渥錫明昭兮有年

靜志居詩話嘉靖十一年禮臣等議曰郊以禮為重  
尋以樂為主合照園邱樂舞之數以四方之色成樂  
舞之服庶稱古人盛樂皇舞之制兼請三獻禮成之  
後九奏樂止之時命詞臣隲括雲漢詩詞別製雲門



一曲使文武之士青衣執羽並舞而合歌之乃定議  
迎神奏中和之曲莫帛奏肅和之曲進俎奏咸和之  
曲初獻奏壽和之曲亞獻奏景和之曲終獻奏永和  
之曲徹饌奏凝和之曲送神奏清和之曲望燎奏太  
和之曲祭畢使道童歌雲門之曲

嘉靖十五年九廟特享樂章

禮畢樂成神悅人宜遵豆靜嘉敬徹不遲穆穆有容秩秩其  
儀益祇以嚴矧敢斁於斯

右太祖廟徹饌豫和之曲

於維文皇重光是宣克戡內難轉坤旋乾外讐百蠻以行八  
埏貽典則於子孫不忘不愆聖德神功格於皇天作廟奕奕  
百世不遷祀事孔明億萬斯年

右成祖廟迎神太和之曲

明明我祖盛德天成至治訏謨通駿有聲專莫致享惟古經  
是程春祀有嚴以迓聖靈惟陟降在庭以資我思成

右仁廟迎神太和之曲

宣廟英廟憲廟同

樂比聲歌佾舞婆娑稱彼玉爵酒旨且多獻享惟忠神聽以  
和孝孫在位受福不那

右仁廟終獻寶和之曲

宣廟英廟憲廟同

列祖垂統景運重熙於惟孝皇敬德允持用光於大烈化彼  
烝黎專廟以享經禮攸宜俎豆式陳庶幾來思

右孝廟迎神太和之曲

武廟迎神亦同此曲惟易於惟武皇昭德救威用剪除奸凶大

業弗隳四句

田按明初作四親廟於宮城東南各爲一廟德祖居中懿祖東第一熙祖西第一仁祖東第二皆南向洪武八年改建太廟爲同堂異室之制中室奉德祖東

一室奉懿祖西一室奉熙祖東二室奉仁祖皆南向  
 建文卽位奉太祖主神廟正殿神座次熙祖東向寢  
 殿神主居西二室南向成祖遷都建廟如南京制宜  
 德元年奉成祖廟正殿神座次仁祖西向寢殿神  
 主居東第三室南向二年仁宗附廟正殿神座次太  
 祖南向寢殿神主居西第三室南向其後大行附廟  
 皆以次居東西室孝宗卽位憲宗將升祔時九廟已  
 備禮臣謂德祖視周后稷不可祧憲宗升祔當祧懿  
 祖宜於太廟寢殿後別建祧殿如古夾室之制歲暮  
 則奉祧主合享如古祫祭之禮帝從其議其後奉祧  
 皆倣此嘉靖初既尊皇考爲睿宗獻皇帝特立世廟  
 繼又以皇考專享世廟而成祖以下不得專廟以祀  
 於心未安十五年新廟成特建成祖以下七廟改世  
 廟爲睿廟合太廟而九定九廟特享儀此樂章所謂  
 專廟以享紀其事也至二十四年又罷特廟之祀

## 王國祀仁祖廟樂章

皇圖事崇茅社受封禮分雖異孝思則同緬懷世德源深流  
 鴻報本有祀式昭神功

右迎神瀉和之曲

王國之東清廟翼翼奉我皇祖享祀弗忒薦以牲牷敢曰充  
膺神其迪嘗純嘏是錫

右奉牲慶和之曲

皇祖載德既清且仁弗耀其身委祉後人騰茲潛服典祀維  
寅清醴方薦歆其苾芬

右初獻保和之曲

穆穆靈宮庭燎有煒貳觴載升神其樂止其樂伊何錫我繁  
祉磐石之宗本支百世

右亞獻清和之曲

神兮下臨陟降在庭不見其形如聞其聲洽風肅然達於兩

楹禮成之終神保攸甯

右終獻成和之曲

神具醉止威儀孔肅曰爾孝孫來飲爾福介爾眉壽膺爾百  
祿子孫保之以引以續

右飲福咸和之曲

禮備樂舉祀事攸宜孰其尸之廢徹不遲皇哉神惠覃及我  
私靈氛將逝如何無思

右徹豆嘉和之曲

杳兮忽兮神運無迹鸞馭上征星流颯疾其靈在天其主在  
室億萬斯年孝思無斁

右送神德和之曲

明集禮親王祭仁祖廟儀前期王散齋四日致齋三日  
前祭一日典祠啟王服遠遊冠絳紗袍典儀典祠  
導引王省牲視鼎鑊祭日清晨典祠啟王服冕服典  
儀典祠導引王入就位司禮唱迎神樂工奏清和之  
曲司禮唱行禮典祠啟行事鞠躬拜興平身司禮唱  
奠幣行初獻禮樂工奏保和之曲復位司禮唱行終  
獻禮樂工奏清和之曲復位司禮唱行終獻禮樂工  
奏成和之曲復位司禮唱飲福受胙復位司禮唱行  
豆樂工奏嘉和之曲司禮唱送神樂工奏德和之曲  
司禮唱望燎樂工奏口口之曲典祠啟禮畢導王還  
次

田按此王國祝仁祖廟樂章見宋濂文集與明集禮  
所載儀制少有不同或濂擬未用或用而後有增損  
今不可知矣

擬祭告天地樂章

仰明明瞻巍巍如事父栗以夔物莫稱德曷報之酌用陶匏  
斯其宜

右上帝酌獻

六府孔修生我兆民富媪之功陸海之珍洞洞屬屬清醑以  
陳所佑維德禎祥其臻

右地祀終獻

鸞輿下臨從百神金支秀華耀五雲壇峨峨靈欣欣位以序  
列享明禋

右分獻

梁寅石門集禮局中承詔分撰郊社宗廟樂章故有此作其音調乖戾雖不可被之筦絃然出於上命不敢棄其草謹錄藏之

擬朝會樂章

天眷聖皇應運開基尊臨大寶撫有華夷武功底定文德宏  
施微臣曷報仰稱壽卮

右上壽樂奏壽和之曲

田按此朝會樂章顧祿所擬見明文衡

擬朝會樂章

天命有德之舞

箕疇演洛之靈元龜出聖之徵皇孝理表八紘役五神策六  
丁肩五總符十朋介金石利永貞天子九九八十一萬歲壽  
與天齊并

右神龜呈

天子踐祚宏拓皇謨義聲翕沓陰補陽嘘東款扶桑西微余  
喜滌海祝栗統爲一家繩牽索引咸傳於都莫不震懼天休  
酒濡狵狵狵狵以拱宸樞玉帛匪頒王會有圖萬歲千秋協



我貞符

右四夷來

田按此朝會樂章王景所擬見明文衡